

ВАНФТТАМА СТРАНАТИ ТЬОЖАТТЪ ТОННА МЕТАЛЛ!

Советский странат могучай индустрияны эрви пяк лама цветной и равжа металл. Кизоста-кизос касы промышленность спросоц серети, алюминийти, кивити. Равжа металл эрви од машинань, грандиознай стройкань, од машина кинь тиес.

Минь странасонк вишкста касы цветной металлургиясь. Строяфт крупной заводт, конат максихть тьожатт тонна сере, ола, киви, алюминий, цинк, никель и лия металл. Колмоце пятилеткаты пингста улихть аделафт строямда цветной металлургиянь тяфтама гигант, кода Прибалхашский медеплавительнай комбинатсь, Средне-Уральский и Блявинский комбинаттне, Алтайса кивиень, цинковай заводтне и лиятне. Кизоста-кизос касы цветной металлонь выплавкась. Тяфта, кепотксонди, колмоце пятилеткаты пенцты равжа серень выплавкась 1937 кизот коряс эрви касфтомс 2, 8 крда. Алюминийнь выплавкась касы афнилень крда кржас. Ламода касы кивить, цинкть, никельть оловать, магнийть, вольфрамть, молибденть и сурьмать производствасна.

Металлсь эрви расходовандакшнемс ванфтозь. Металлть ванфтозь использованияц—хозяйственникненъ основной задачасон эзда фкясь.

Тянь колга эсь решениязон эса сьормадсь большевистский партиять XVIII с'ездоц. С'ездсь лувозе эрвиксонди:

„Вятемс решительнай тюрема равжа и цветной металлхень экономичесон инкса, кода добычат пингста имафксненъ йолмалгафтомаснон счета, станя и изделия единицати расходонь норматы кирьфтаманц обрабатывающей заводтненъ эзга, сембе отхоттненъ рациональнейста использованиясн счета“...

Партиять XVIII с'ездонц реше-

ниязон пяхкодемаснон инкса тюремаса Сталинть лемса Киевский судоремонтнай заводонь комсомолецне няфтсь пяк цебарь инициатива. Синь ушедсть поход цветной металлхень ванфтомаснон инкса и лама ков ни кочксихть лом, инзетьфкст, сере и бронза. Комсомолецне кочксихть ташта винтельхть, кратт, втулкат, гайкат, бронзовай кшни пакшкат и марсесазь синь „копилкав“—тянка тиф ящикненди, конат ащихть эрь цехса. Комсомольский „копилкав“ нюрхкяня пингста странати макссь тоннада лама цветной металл и колма тоннат чугуна, кшни и сталь.

Заводской изобретательхне и рационализаторхне путсь эсь инголест цель полафнемс дефицитнай металлхне сяда уцез материалса. Трубопроводтненъ, кепотксонди, тяда инголе тиенделезь сереста, а тани синь тиендсазь сяда аф питни металлста—стальста.

ВЛКСМ-нь Украинань ЦК-ть бюроц одобрил Сталинть лемса Киевский судоремонтнай заводонь комсомолецненъ цветной и равжа ломть кочкаманц колга инициативаснон. Обкомтненди, горкомтненди, райкомтненди и сембе первичнай комсомольский организацийтненди мярьгф ушedomсь предприятиясон эзга цветной и равжа ломонь кочкама.

Киевский комсомолецненъ ушетксонды макссь вайгяль Советский Союзонь сембе комсомольский организациятне. Странаса ушеткшни кели движения металлонь ванфтомать, металлический ломть кочкаманц инкса, кода оду шияфтомда меле ярашты нолдамс теис.

Мордовиянь комсомольский организацийтненди и школатненди эрви сувамс тя движения и маластонь пингста максомс странати лама тоннат металл.

ЛЕНИНГРАДСКИЙ ВОЕННЫЙ ОКРУГЪ ШТАБОНЦ ОПЕРСВОДКАЦ

Мартть омбоце шистонза Карельский перешейкаса минь частеньконь наступлениясна молись успешна. Минь частеньке занясть машинакинъ Выборг станциянь депотъ и Выборг ошть южной пяльксонц и шарыхть Выборг ошть эса север и юг ширеста. Сявонз Таммисуо станциять, Выборг эзда юг ширеса, Кейхясниemi мысть и Туркинсаари островть, Выборг эзда юго-запад шири.

Тяда башка Выборг эзда восток шири минь частеньке занясть Кянтума и Лапинкахти местечкатненъ.

Фронтть лия участканзон эса мезевок существеннай ашель.

Минь авиацияньке мольтсь активнай действия противникть войсканзон и военной обектонзон ланга. Воздушнай тюрематненъ эса прафтфт противникть 7 самолетонза.

Колхозонь знатнай ломань

„Революция“ колхозса Семен Тимофеевич Антасовть свинарькс 8 кизонь работанц пингста колхозса из кула фкявок тува и пурьхц. Антасов ялгать тувотненъ мельге цебарь забоганц вельде „Революция“ колхозонь свинофермась 1939-це кизоня получаь эрь свиноматкаста 18 пурьхц. Тяни Семен Тимофеевич макссь обязательства 1940 це кизоня получаь эрь свиноматкаты эзда 22 пурьхц.

Колхозонь правлениясь лувомок Антасовть честнай и добросовестнай работанц, казезе сонь вазняса, а Кадошкинань райзось возбудил ходотайства выставкомть инголе, штоба кемокстамс Антасов ялгать 1940 кизоня Всесоюзнай сельскохозяйственной выставкаты участниконди кондидаткс.

И. Чепин.

Кадошкинский район.



Ленинградский Ленинонь ордена казф „ЛЕНФИЛЬМ“ киностудиясь аделахшнесы „Оборона Петрограда“ од художественно-исторический фильматы с'емканц. Постановкань режиссерсь П. П. Петровсь—Бытовсь.

СНИМКАСА: Фильмаста кадрась. Владимир Ильичь кабинетса В. И. Ленинъ и И. В. Сталинъ васадемасна. Ленинонь рольса К. В. Скоробогатов орденоносец артистсь, Сталинонь рольса—М. Г. Геловани орденоносец артистсь.

Фотось Э. Халкинъ и М. Редкинъ. (ТАСС-ть фото-клишен).

РККА-ть 22 годовщианц честьсь

Саранск ошсь Рабоче-Крестьянский Якстерь Армиять и Военно-Морской Флотть 22 годовщианснон ознаменовандазе спортивной оцю соревнованияса.

Якстерь Армиять и Военно-Морской Флотть переходящай признон инкса февральть 24-це шистонза ульсь максф традиционнай эстафетань старт, конань эса примасть участия различнай физкультурнай коллективонь 10 командат.

Эстафетать эса участникне занясть тяфтама вастт: „Спартак“ командац сатсь васенце вастть, пединститутонь командась—ом-

боцетъ, „Пищевикъ“ командац—колмоцетъ.

Тяжа жашиня „Учитель“ обществать катокса йотафтфт хоккейть коряс финальнай васадемаь Рузаевка ошень „Спартак“ и „Локомотив“ обществатненъ авань командаснон йоткса, конат аделавсть 0:0 лувксса.

Тяда меле налхксть „Спартак“ и „Буревестник“ обществатненъ идень командасна. Налхкомась аделавсь 3:0 лувксса „Спартак“ обществать пользас.

С. Купер.

Саранск ош.

Якстерь Армиять и Военно-Морской Флотть шиста

Цебарста аноклафста васифтезь и празновандазь Якстерь Армиять и Якстерь Военно-Морской Флотонь шить Перхляй велень афполнай средней школань осоавиахимский организациань четтне. Лама ученик оцю мялса тя праздникть честьсь максось обороннай

значокс норматненъ. 32 ученик поучасть ни различнай значокт.

Февральть 22-це шистонза, илять, вечерса ульсь тиф доклад Якстерь Армиять и Якстерь Военно-Морской Флотть колга.

Польдаев.

Рузаевский район.

Мордовский АССР-нь Верховный Советъ Президиумонц Указоц Мордовский АССР-нь Верховный Советъ Президиумонц грамотасонза награждения колга

Мордовский Автономный Советский Социалистический республи-
каты организовандамань шистонза
сывомок 5 кизонь топодеманц и
Мордовский Автономный областъ
образованиянц шистонза сывомок
10 кизонь топодеманц ознамено-
ванияста, социалистический стро-
ительстван фронтса активнай ра-
ботанкса наградить Мордовский
АССР-нь Верховный Советъ Пре-
зидиумонц грамотаса:

1. Асеинов Абуликер Якупо-
вичъ — Кадошкинский районъ
„Кзыл-Юл“ колхозъ председа-
теленц;

2. Белоключевская Татьяна Ва-
сильевна — Саранск ошень инфек-
ционной больницыа старшей сес-
трать;

3. Блохин Василий Иванович —
Рузаевка станциян паровознай
депотъ машинистонц;

4. Вельмиский Яков Осиповичъ
— Кочкуровский районъ Ново-
Пырменский велень советонъ ис-
полнительнай комитетъ председа-
теленц;

5. Виноградов Семен Матве-
евичъ — Дубенский МТС-ть ком-
байнеронц;

6. Горбатов Петр Васильевичъ
— Ширингушский больницятъ глав-
най врачонц;

7. Государев Федор Спиридоно-
вичъ — Ардатовский районца, Мо-
лотовт лемса колхозъ СТФ-нь за-
ведующайнц;

8. Гришенков Федор Евдокимо-
вичъ — Кадошкинский районъ
„Новая жизнь“ колхозъ председа-
теленц;

9. Гришин Иван Михайловичъ
— Рузаевский районъ Арх.-Голи-
цинский велень советонъ испол-
нительнай комитетъ председа-
теленц;

10. Давыдов Павел Прокофье-
вичъ — Ромодановский МТС-ть
тракторнай бригаданъ бригади-
ронц;

11. Денисова Елена Андреевна
— Чамзинский районъ Сабур-Мач-
кацкий велень Советонъ исполни-
тельной комитетъ председа-
теленц;

12. Есиновский Моисей Берко-
вичъ — Мордовский государствен-
най пединститутъ марксизмань-
ленинизмань основанъ кафедранц
доцентонц;

13. Искандаров Фатых Файзул-
ловичъ — Лямбирский районъ
Тат.-Свербейский велень советъ
исполнительнай комитетонц пред-
седателенц;

14. Качалов Андрей Фроловичъ
— Дубенский районъ Поводимов-
ский велень советъ исполнитель-
най комитетонц председателенц;

15. Кеминшев Яков Федоровичъ
— Торбеевский районъ Салаз-
горский велень советъ исполни-
тельной комитетонц председа-
теленц;

16. Костин Иван Федоровичъ —
Инсарский районъ Шадым-Рыс-
кинский велень советъ исполни-
тельной комитетонц председа-
теленц;

17. Кривова Прасковья Констан-
тиновна — Саранский междуго-
роднай телефоннай сетть телефо-
нистанц;

18. Крюкова Вера Алексеевна
— „Красный Октябрь“ типографи-
ятъ наборщицанц;

19. Кузнецов Иван Петровичъ
— Инсарский районъ Инсарский
МТС-ть комбайнеронц;

20. Ларкин Василий Андре-
евичъ — консервнай комбинатъ ра-
бочайнц;

21. Ласкин Георгий Василье-

вичъ — Б.-Березниковский средняй
школатъ учителенц;

22. Малышев Федор Дмитрие-
вичъ — Мельчанский районъ
Комсомольский МТС-ть комбайне-
ронц;

23. Моторкин Григорий Дмит-
риевичъ — Козловский районъ
„Коминтерн“ колхозъ конюхонц;

24. Николаев Василий Серге-
евичъ — Теньгушевский районъ
„Ударник“ колхозъ председа-
теленц;

25. Осипов Сергей Григорье-
вичъ — Б.-Березниковский МТС-ть
комбайнеронц;

26. Парфиров Федор Гаврило-
вичъ — Рузаевка станциян вагон-
най депотъ строгальщиконц;

27. Пономарева Анастасия Ро-
мановна — Темниковский районца
Подгорно-Конаковский неполнай
средняй школанъ учительницатъ;

28. Самойлов Иван Петровичъ
— Лямбирский МТС-ть тракторнай
бригаданъ бригадиронц;

29. Силиванова Елизавета Гав-
риловна — котонивнай фабрикаса
работанъ стахановский методонъ
инструкторт;

30. Семдянкин Петр Григорье-
вичъ — Б.-Березниковский район-
ца Старо-Найманский сельсове-
тонъ исполнительнай комитетъ
председателенц;

31. Смирнова Любовь Дмитрие-
вна — Чамзинский районца Наче-
нальский больницятъ акушерканц;

32. Солдатов Степан Капитано-
вичъ — Краснослободский районца
Чукальский сельсоветъ исполни-
тельной комитетонц председа-
теленц;

33. Татаркин Владимир Михай-
ловичъ — Атяшевский районца
„XIII-й Октябрь“ колхозъ коню-
хонц;

34. Топтыгин Андрей Егоро-
вичъ — Саранский идень поликли-
никатъ врачонц;

35. Турлычкин Петр Василье-
вичъ — Ичалковский районца Об-
рученский сельсоветъ исполни-
тельной комитетонц председа-
теленц;

36. Тюгашкин Павел Семено-
вичъ — Атяшевский районца Алов-
ский сельсоветъ исполнительнай
комитетонц председателенц;

37. Федосеев Владимир Алек-
сандровичъ — Zubovo-Полянский
районца Свеженский амбулатори-
ятъ врачонц;

38. Харитонов Павел Петро-
вичъ — Мельчанский районца
„Власть труда“ колхозъ овцевод-
ческо-товарнай ферманц заведую-
щайнц;

39. Хижуркин Яков Григорье-
вичъ — Саранский районца Бело-
горский сельсоветъ исполни-
тельной комитетонц председателенц;

40. Чадайкин Николай Харито-
новичъ — Zubovo-Полянский рай-
онца Куйбышево лемса колхозъ
конюхонц;

41. Чадайкина Анна Николае-
вна — Zubovo-Полянский районца
Куйбышево лемса колхозъ коню-
хонц;

42. Юшканцева Ольга Василь-
евна — Саранск ошса 1-це № сред-
няй школатъ учительницанц;

43. Лихарев Николай Осипо-
вичъ — Саранск ошса психолече-
бницатъ главнай врачонц.

Мордовский АССР-нь Верховный
Советъ президиумонц
председателец М. Чембулатов.

Мордовский АССР-нь Верховный
Советъ Президиумонц
секретарец Н. Юрков.

Саранск ош, МАССР,
1940 кизонь февраль 25-це шистонза.



Мордовский АССР-ть Юбилейнай Сессиянц Президиумса.

Фотось А. Ивановъ.

ОТЧЕТНАЙ СОБРАНИЯСЬ ЙОТАСЬ АКТИВНАЙСТА

Оцю активность мархта ётась
отчетно-выборнай собраниясь Мор-
довторгонь первичнай парторгани-
зацияса.

Отчетнай доклад мархта высту-
пил партбюротъ секретарец Кири-
янов ялгась, кова подробна азон-
дозе отчетнай периодста партор-
ганизациян парторганизациясь кассъ
20 ломанъ, примаф 18 канди-
дат и 2 члетт, сембоц жа партор-
ганизацияса тани лувондови 46
коммунист.

Отчетнай периодста партбю-
рось выдвинул 16 ломанъ ответ-
ственной и руководящей работас,
кода коммунистъ Троельниковъ,
Рязуаевать и лиятень.

Но эрви азомс, што коммунист-
тне аф сатомшка касфнесазь идей-
но-политический уровеньонн.
Штоба афоль уль голословна,
минь няфтъяма несколько факт,
конат корхтайхть тя фталу илady
васть колга. „ВКП(б)“-нь истори-
ятъ Краткай курсонц“ тонафне-
сазъ аф сембе коммунисттне. 46
коммунистъ эзда самостоятельна
тонафнихть аныек 23 коммунист
и 3 ломатъ аделаъ „Краткай
курсть“ коряс тонафнемать.

Партбюрось калдыаста зани-
мандакшни кадрань воспитандама
тевт мархта. 1939-це кизоня Мор-

довторгу работам уль примаф
512 ломанъ, а паньф разнай при-
чина коря тьяка жа кизоня 485
ломанъ.

Отчетнай докладта меле ушедсть
оживленной преният, кося ульсь
вишконтъф критикась и самокри-
тикась.

Собраниясь присутствующай-
нень паледа ламбсна выступили
пренияса. Партбюротъ калдыав ра-
ботац сяда паяк няфневи кандидат-
тнень мархта работатъ эса,—кор-
хтай кандидатъ Цибина ялгась,
кржа максихть лезкста кандидат-
тнень касомасонды.

Ромашкин ялгась оцю мяль
шарфтсь растрататнень каршес
тюремать шири, а улихть комму-
нист, конат синь ашихть рас-
тратчикокс. Тяфта, Симатов ял-
гась расстратил 900 цалковай го-
сударственной средства.

Тянь шири кржа мяльда шарф-
ни тяфта жа ВКП(б)-нь горкомсь
и горсоветъ, конат тачимс лезкс
Мордовторгит ашеть макссе.

Собраниясь примасъ решения,
кося наметил сяда товодонъ кон-
кретнай и практической меропри-
ятия.

Байков.

Саранск ош.

КОМСОМОЛЬСКИЙ ОРГАНИЗАЦИЯСЬ РАБОТАНЦ ЛАДЯЗЕ ОДУКС


Сире-Драка велень средняй шко-
ланъ комсомольский организация-
са секретарькс работай инициатив-
най комсомолецъ — обществен-
никъ Королев Ваясь. Сон сембе
вийнзон путнесыне комсомольский
организацият и школатъ работа-
снон образцовайста ладямаснонды.

Тяса сембе комсомолецне це-
бярьста тонадозь ВЛКСМ-нь ЦК-ть
Х пленумонц решениянзон, конат
сембе комсомолецнеди оцюста
лездсть школаса работатъ оду ла-
дыманцы.

Комсомольский организациясь
тяфта жа цебярьста ладязе ОСО-нь,
МОПР-нь и лия общественной ор-
ганизациятнень работаснон. ОСО-нь
организациясь Якстерь Армиятъ
22-це годовщианц честьс анок-
тась ПВХО-нь 49 значист, ВС-нь—
10 и ГСО-нь—21 значист.

Я. Пинясов.

Ковылкинский район.



СНИМКАСА: (Кадошкинский район)
киоскатъ вакса Асеинов А. Я. „Кзыл Юл“
колхозъ председателец и А. Байчури-
нъ „Ленин-ча“ колхозъ председателец.
Фотось А. Ивановъ.

Вятихть массово-воспитательнай работа

Сире Потыма велень первичнай комсомольской организациясь шарфни оцю мяль колхознай од ломаттнень йоткса массово-воспитательнай работать лангс.

Одс примаф комсомолецне Гуляйкин, Капаев илама илятне колхозникнень йоткса лувондыхть газетат и йотафнихть беседат международнай положенихть колга.

Тяда башка ня комсомолецне ашихть культурмеедокс, йотафнихть занятия аф грамотнайхнень и малограмотнайхнень йоткса.

И. Чуркин.

Рыбинский р-н.

Аф тонафнесазь ВЛКСМ-нь ЦК-ть X пленумонц решениянзон

Йотай кизонь октябрь ковть Од Потыма велень колхознай комсомольской организациясь эсь собраниясонза кочказе секретарькс Автаев ялгать.

Автаевсь аф оправданакшнесыне комсомолецнень доверияснон. Синь йотксот аф йотафневихть комсомольской собраният, аф йотафневихть международнай положенихть колга беседат, комсомолецне калдывста касфнесазь эсь идейно-политический уровеньон.

Калдыв работать сюнеда комсомолецнень калдывгодсь дисциплинасна, нарушандакшнесазь ВЛКСМ-ть программанц и уставонц.

Лама комсомолец 4—5-нь ков ашеть панда членский взност. Комсомолецне аф примосихть активной участия колхозть тундань видемати анокламасонза; колхозу шостойнай работас апакемоксак фкявок комсомолец.

Комсомолец.

3-Полянский район.



1938-це кизоня Хасан эрххть ваксса бойхнень пингста ульсь шавф пограничниксь Владимир Дурневсь. Оборонань Наркомть разрешенианц коряс бродонц эземс пограничной отрядти арась Николай Дурневсь. Кизода меле тьяка жа погранотрядти краснофлотецкс пограничной суднати ульсь зачисленай Алексей бродонц. Тяни ня братиятня — патриотне састь отпускс Горловкав эсь родной шахтазост.

Ня шитнень Николай Дурневсь сувсесь шахтав, сменати макссь 186 тонна уголь, 35 тоннада вел-ф пашкодезе эсь суточной заданиянц сембе участкаса.

СНИМКА: Братиятне — патриотне Леша (яржи ширеса) и Николай Дурневсь.

Фотось Е. Каммать. (ТАСС-ть фото-клишец).



Шафаревич Игорьсь 1938-це кизоня, аделамок средняя школать, обратился Московский Государственный университету примамань колга просьба мархта. Но Игорьти нинге ашель 18 киза и сонь ашель прима. Эста Игорьсь кафта кизонь пингста самостоятельна тонадозе университетть механико-математический факультетонь курсонц и макссь 30 экзамен: 26 отлична и 4 цебарь показатель мархта. Университетонь профессорхне шнази Игорьть способностенц, тьяни сон примаф факультетть 5-це курсозонза. Математикаса знаниянза университетский курста оцюфт.

СНИМКА: А. Шафаревич Игорьсь университетть читальной залсонза аноклай государственной экзаментнени.

Фотось В. Ивановть и М. Рунеть, (ТАСС-ть фото-клишец).

Зрителень конференция

Февральть 19-це шистонза драматический государственной театрать дирекцияц и месткомоец йотафтть зрителень конференция, коса театрать художественнай руководителец Шахов ялгась тись доклад 1940—41—42 кизонди репертуарнай планть колга.

Пренияса корхтай ялгатне няфтть лама афсатыкст театрать работаса, васендакиге сонь актеронзон налхкомаса. Зрительсь Сорочкин ялгась эсь выступлениясонза азозе, што театрась ашель пуропта эсь перфканза зрителень актив, вестенге ашель тернекшне репетициятнени зрителхть. Сон тьяфта жа азозе, што Мордовиянь драматический театрать актеронза кржа работайхть эсь лангсост, эсь культурнай и идейно-политический уровеньонцон кеподеманц лангса. Сембонь тьянь сюнеда сидеста сценать лангста зрительсь ния аф геройть образонц и аф ся эпохат, мзярда эрхсь ся геройсь, конань йорай няфтемс писательсь-драматургсь эсь пьесасонза, а ния актерть и ся эпохат, мзярда эрхь тья актерсь. Актерсь Калганов сон аф калдывста налхконд-сьне ролензон, но и сонь налхкомасонзонга кой-коста аф содасак пьесать героенц действительнай образонц, а ният Калганов актерть. Замечательна, сон исполнил Гоглидзеть роленц (Генеральнай консулт эса) и Павел Грековть (Павел Греков постановкат эса), но кафшьке васттнень эса ульсь сяка жесттн, сяка вайгялень интонациясь, — словом сяка Калгановсь. Зрительсь нямок сонь фкя пьесать эса, загаткафтома эстакиге содасы омбоцеть эсовок. Актерхнень работаса тья оцю афсатыкс, сонь, конечно, эрхиви лувомс и сяда тов аф новлямс.

Конференциясь няфтезе, што актерхнень работаса нят афсатыксне лисендихть сяс, што театраса синь работань условиясна пьяк калдыфт. Аф кржа случайда, мзярда аф кирдемшка якшамть сюнеда сязендевьт репетициятне и постановкатне путнекшневть аф сатомшка аноклафта. Работань тьяфтама условиятнень сюнеда улихть фактт, мзярда мекольдень репетициятнень шовор сярятк-несть актерхне и сашендовсть полафтомс синь иляса. Следовательно, тья од актерсь выступает сценать лангса аныцек кафта-колма репетицияда меле. Тьяста неизбежнайхть валонь аф содаматне, вялостсь и тейст похожайхне, ибо сон кода эрхиви апакемоксак.

Зрителхне эсь выступлениясост тьяфта жа азозь, што театрать администрацияц кржа шарфнесь мяльда театрать внешний обликонц лангса, што театрать фоесонза и особенно буфетсонза рдаз, театраса стулхне марафт пцтай фкя-фкянь лангс.

Конференцияса особенна лама ульсь корхтафт театрать и искусствань комитетть мордовский писательхнень мархта калдыв работасон колга, конань сюнеда театрать репертуарсонза аныцек кафта мордовский пьесат. Лисенди, што ошень театрать эса, а тьяфта и колхозно-совхознай театрать репертуарса фигурируют сяда лама рузонь пьесада. Оцю афсатыксонс тья областиса вляткшненинге и ся, што минь театрань конь кржа кадрадонза, особенно родной кьяса. Уликс актерский составсь ламода аф удовлетворяндакшнесыне массатнень касыкс потребностснон.

М. Сайгин.

Ученикне кельгсаз эсь учительснон

Зубово-Полянский пелучилища преподавательхнень йоткса соревнованияс преподавательсь Савельев ялгась занязе васенцевасть. Савельев ялгась лутнесы сембе виинц, штоба уроконь материалть максомс ученикнени полнайста и шарьхкодевиата. Сонь эсь дисциплина онза сембе класснень эзга ученикнень йоткса успеваемостсь улени аныцек отличнай.

Тяда башка сон сидеста переменатнень пингста или занятияда меле улени ученикнень йоткса, коса сон йотафни беседат международнай положенихть и родинань геройхнень колга.

Школань сембе ученикне Савельев ялгать тьякса пьяк кельгсаз.

И. Паршин.

Зубово-Полянский район.

Обязательстваснон пашкотькшнесазь честь мархта

Саранск ошень 2-це № начальнай школань учительхне пьяк оцю вииса тюрхить 1939—40 тонафнема кизонь учебнай плантть 100 процентс пашкодеманд инкса.

Школаса сембе учительхне ученикнень йоткса коммунистический воспитаниять вятьсазь трудонь социалистический метоттнень вельде. Тьяса сембе учительхнень, ученикнень и класснень йоткса кемокстафт социалистический соревнованиань договорхт.

Эрхиви азомс, што школань эрь учительсь, эрь ученикс эсь лангзост сывф обязательстватнень пашкотькшнесазь честь мархта.

А. Обманкин.

Перхляй велень НСШ-ть колга

Перхляй велень аф полный средней школань директорть калдыв заботанц сюнеда школати эсь пингстонза апакемоксак сатомшка пенгат, школась ушнени пьяк шуроста, конань сюнеда тьяни пьяк якшапт классне и ламоксть ульсь сязфт занятиятне.

Февральть 16-це шистонза школаса сембе класснень эса температурась ульсь 4 градуст ламбе. Улендсть случайхть, мзярда школаса ученикне ащекшнесть одежаса и шапкаса. Тьянь сюнеда февральть 16-це шистонза 5-це класса ульсь сязфт занятиятне.

Тяда башка школась ащи аф уютнайста, стенатне пулюфт, поталокова и стенава нюрхихть унжань котфт, ученикнени симомс аф канневи вель, ведень бакть эса эрхихть лофт и эйхть.

Пионер.

Рузаевский район.



СНИМКА: Оцю золотой медальсь, конань мархта казфт Всесоюзной сельскохозяйственной выставкани участникне, конат няфнесть работань инь цебарь образецт. Вьяре медальть лицевой ширец, алува — омбоце ширец. Медальть размерон: диаметрац 32 миллиметр, эчкац 2 миллиметр.

Фотось Г. Широковть. (ТАСС-ть фото-клишец).

Передовиконь махорководонь слетста

Март ковть 1—2-це шинзон пингста Саранск ошса йотась велень хозяйствань передовиконь-махорководонь слет. Слетса ульсть ванфт 1939 кизонь махорководческий бригадатнень и колхознень работань итоксна и тяддень кизоть махоркань оцю урожайнь сатомать колга кизефкст.

Докладть коряс лама стахановецт, слетонь участникт выступали, конат корхтасть йотай кизонь работань эсь опытсон и тяддень кизоня махоркань оцю урожайнь сатомать инкса эсь инголест путф задачатнень пшюкодемаснон колга.

Ковылкинский райононь „Коммунар“ колхозть председателец Селиверстов ялгась эсь выступленисонза корхтасть, што аф ваномак йотай засушливай кизоть лангс, колхозса дружной работать, трудть правильнаяста организовандаманц и трудонь правильной учетть вельде колхозсь сатсь махоркань пях оцю урожай. Лиякс азомс йотай кизоть колхозсь 55 гектар площаденц лангста получась средняя урожайность 31 центнер эрь гектарста.

Тяка жа колхозть махорководческий бригадасонза звеньеводкась Балтунова ялгась эсь звенанц мархта сатсь средний урожай 47 центнерхт эрь гектарста. Балтунова ялгась слетса сязс эсь лангзонза обязательства, штоба тяддень кизоть звенанц мархта сатомс 50—55 центнер средний урожайность эрь гектарста.

Махорочнай бригадань бригадирсь Глазков ялгась эсь выступленисонза азондозе, кода сатозе тифтама урожайть йотай кизоть. Сон васендакиге лоткессь сян лангс, што сонь бригадасонза пях лац организовандафоль трудсь и трудть учетоц. Йотай кизоть колхозсь макссь государствати 1902 центнер и 35 килограмма махорка васень сортть коряс, конатнень инкса колхозсь получась пях оцю доход—85 тьожань цалковай ярмак.

Йотай кизонь опытть мархта Глазков ялгать бригадац аф кальдявста анокласть тяддень тундати

—махоркань видемати.—Монь 55 гектар участказе,—корхтай Глазков ялгась,—аши 4 вастова. Сон лац аноклаф тундати. Пяледа ламоц сокаф лов алу, цебарьста удобряндаф и ст. тов.

Мон сязан эсь лангзон обязательства, штоба 1940 кизоня сатомс высокой качества махоркань урожай—55 центнер эрь гектарста.

Слетса выступали Сире Шайговань райононь „Красный партизан“ колхозонь махорководческий бригадаты бригадирец Курашинь, „Парижская коммуна“ колхозть махорководческий бригаданц бригадирец Адимкинц, Ромодановский районита Зимин ялгась и лиятне. Зимин ялгась корхтасть, што 2 гектархт опытной участканц лангста сон получась 96 центнер махоркань урожай. Сон сембе кочкаф урожайть максозе государствати анычек васенце сортть коряс. Сонь участкац сатомшка удобряндаф.

Но улихть лама райотт, колхозт и звенат, конат йотай кизоть сатсь аф оцю урожай и тяддень кизотьке пях кальдявста анокласть тундати, махоркань видемати.

Тяфта, Ичалковский районц йотай кизоть получась махоркань пях йомла урожай. Нльне сембе районц ашесь макс государства ти свира сырь, мзяра макссь ськамоназа „Коммунар“ колхозсь (Ковылкинский район).

Кадошкинский райононь колхозне и марнек сембе районца мянь тичимс ашесь кярмоде махорководонь звенатненди участкатнень явомаснонды и кемохтамаснонды. Нивге тичимс апак кемохтакт звеньевотт и звенатненди постояннай работникт. Слетса корхтасть сян колга, што кой-кона райоттнень эзга пях кальдявста работасть и работайхть агронопе, сян аф макссихть кодамовок лезкс колхозненди махоркань оцю урожайнь получама инкса.

Слетонь участникне кучсть ответственной сьорма Сталин ялгати.

Ф. Бикеев.

Саранск ош.



СНИМКАСА. Краснознаменной Балтийский Флотонь батальонай комиссарсь А. В. Бондаренкось награжденный „Красно знамя“ ордена финский белогвардейщина каршес тюремаса командованиять боевой заданиязон образцовайста пашкоть кшнемаснон и тяка пингова доблестень и мужествань няфтемать инкса.

Фотось Н. Яновть.

(ТАСС-ть фото-клишец).

Китайса военной действиятнень обзорсна

Йотай неделять пингста Южная Китайса оцю операцият ашельхть. Йотнесть башка бойхть анычек Гуанси провинциять южной пяхксонза, Наньнинть районца. Японский армиять оцюшка пяхксонц Наньнинста потась южной направленияв. Илядыкс частьтненди ошсь сашендови кирнемс оцю вийса. Японецне лама вастова тиендихть оборонительнай сооруженият. Сяка жа пингста тиендихть попыткат военной действияв районть келетеманцты. Февральть 27-це шистонза Патана районца японский войскактне ёразь китаецнень кружамс, но тя попыткась изь удала. Китайский частьтне, тиендемек обходнай мачеврат, японецненди каннихть оцю имафкст. Бойхвнень эса, конат ётнесть февральть 24-це, 25-це и 26-це шинзон пингста Цзита районца, японский имафксне пцтай 1500 ломань шавфста и ранендаф-

ста. Февральть 26-це шистонза японский войскактне ушедсть потама юг шири.

Центральнай Китайса февральть мекольдень шинзон пингста японский командованиясь йорась ушедомс частичнай наступления Аньхуэй провинциять юго-восточнай пяхксонза. Тя наступленияти целькс ульсь—ароптомс Нанкинть юг ширестонза районть китайский партизаттнень эзда. Ухуста ульсь ёрдаф лама тёжятть японский солдат, конат вятсь наступления Тайху эрьхкть восточнай районца лама пункт лангс. Однако, японецнень лангс китайский войскактне тисть апак шарьхкотть нападения и японецне кандсь оцю имафкст, конань сонедат ульсь вынужденнайхть потамс.

Севернай Китайса оцю операцият ашельхть.

(ТАСС).

Германский информационный бюрось войнать васенце пале кизонь итогонзон колга

Германский информационный бюрось, тиёмек итокт войнать васенце пале кизонцты, пачфни куля, што германский политический крукнень эса азондыхть удовлетворения войнать молеманцты, конац ётни ёфси аф станя, кода учсесть Лондонца и Парижса.

„Германский вооруженнай вийхне,—корхтати информационный бюроть сообщениясь,—сембе ширде анокт и учихть решающей ударонь максомать колга приказ“. Сембе могут улемс убежденнайхть сян эса, што сон ётасыне военнай ударть вийнц колга сембе арьсематнень.

Сообщениясь корхтати, што ков

сяда пях аф надежнайста арс Англиять положенияц, тов сяда пях вишкомшкнихть сонь попытканза, штоба пуроптомс Германиять каршес войнаны кафта фронтт нейтральной странатнень войнас сувафтомаснон вельде. „Нльне эстонга, кда удалай,—корхтати сообщениясь,—таргамс эсь ширезонза койкона нейтральной странатнень, то сон может просчитаться, сяс мезе получай Англиясь тя или тона нейтральной странат лезксонц вельде, аш кода ровнандакшнемс ся мархта, мезе выиграл Германиясь Советский Союзть мархта дружбаса.

АНГЛИЯСА СТАЧЕЧНАЙ ДВИЖЕНИЯСЬ


Английский рабочий классь шиста-шис сяда решительнайста касфнесы эсь сопротивленияц буржуазиять наступленияц каршес. Стачечнай движениясь фатни Англиять лама предприятиязон.

Глазгоса ушедсь забастовка 400 лама рабочий, штоба тиёмс протест работа вете слесарень панемать каршес. Колма тёжянда лама рабочийхть тисть забастовка Центральной Англиять фкя инь

оцю военнай предприятиясонза. Забастовкась ульсь тиф предпринимательхвнень попыткасон сонедат—ёгафтомс квалифицированной рабочийхвнень стама работас, кода аф эряви квалификация и конань инкса сяда кржа панневи.

(ТАСС).

Ответ. редакторть инкса М. САЙГИЙ.



Ростовский морской техникумса аноклайхть квалифицированной моряконь кадрат (капитант, судовой механик, гидротехникт). Ростовский техникумсь макссь тяфтама ломатть, кода „Сталин“ ледоколть капитаноц М. П. Белоусов, капитанц-орденоносель Д. Т. Чертковсь, Черноморский пароходствань начальниксь-орденоносель М. К. Петровсь и лият. Знаменитай Полярнай исследовательсь-капитанц Г. Я. Седовсь 1894 кизоня аделазе Ростовский морской училищати.

СНИМКАСА: Морской транспортть эксплуатациясь преподавательсь (види)ширесазонцы 3-це курсонь студенттненди суднасть снаряженияц и снабженияц. (Фото-клишец ТАСС-ть).